




www.BibleForChildren.org


Dyéénésis 1




Di katbuan, Dwata mimò
langit na banwe.



I banwe ani landè fa too
bawehan, du landè fa
déén. Na di klamang i
mahin too kmifu, na too
mgal nus mdà di Tulus
Dwata, mbal di tah i
mahin ani.




Na di bang ani, mdek Dwata, manan, "Ani too nun
lwa." Na tamalwa nan. Na dnagitan i lwa dunan
"mduh", na dnagitan i kifu dunan "butang". Na mlius i
butang na mlius i mduh, na tafnge i tnanin duh.



Kafnge én, mdek Dwata, manan, "Ani banlenggu di gutngà, fye nun yéél di tah i banwe, na nun di dungan." Di kagmanan ani gasil mgimò. Na i bleng nimoan ani dnagitan "langit". Na langit i samtani i yéél di tahan na i yéél di dunganan. Na mlius i butang, na mlius i mduh, na tafnge i galwen duh.



Kafnge éñ, mdek Dwata, manan, "Ani mastifun i yéél dungan i langit, du fye nun gukafagan." Di kagmanan ani gasil mgimò. Na dnagitan i gukafag ani dunan, "tanà", na dnagitan i yéél tamastifun dunan, "mahin". Di kite Dwata i mgimoan, lehew kenen.



Kafnge én, mdek Dwata, manan, "Ani dee bung dad tmabò di tah tanà na dee bung kayu. Na kdee di dale munge fye lêman tmabò." Di kagmanan ani gasil mgimò. Na mlius i butang, na mlius i mduh, na tafnge i gatlung duh.




Na nimoan lwe malbang too mneng. Nimoan i duh,
du mneng di mduh na nimoan i bulen du
mneng di butang. Na nimoan i dad
blatik. Na mlius i butang, na mlius
i mduh, na tafnge i gfatan duh.



Kafnge éñ, mdek Dwata,
manan "Ani nun dee bung
mnè di lam i mahin na di yéél,
na nun dee bung dad
anuk di bnas mayeng di
tah i tanà." Na mlius i
butang, na mlius i mduh,
na tafnge i glimen duh.




Kafnge éñ, man Dwata, "Ani nun dee bung Imanaf
mnè di tah tanà, i dad Imanaf mnalàm, na nun
mlyal, na dad malbang, na dad malnak Imanaf."
Di kagmanan ani gasil mgimò.




Kafnge éñ, man Dwata, "Ani mimò agu i dad to salngad i deg kagkah. Na fdatahgu ale di dad nalaf di mahin, di dad anuk di bñas, di kdee dad Imanaf, dad mñalam na dad mñalayal, dad malbang na dad malnak.

Na i dad to ani i magot kadang i kdee tamgimògu." Di kite Dwata i kdee mgimoan, too kenen lehew. Na mñius i butang, na mñius i mduh, na tafnge i gñaman duh.



Na dini di tukay banwe gunun kayu nimò Dwata,
dnagit Idén, gufnean i to tamgimoan, du fye mimò
kenen di tanà na mifat i dad fule déén.



Na flalò Dwata i Amu i to ani, manan, "Fakay ge kmaan i bunge kdee dad kayu di gumneam ani, bay nang ge kmaan i bunge i kayu mlé gnadé gablà ku tan i fye na tan i sasè. Du ku kmaan ge i bungen, too ge mati."



Na i to ani i mimò dagit i kdee
bung Imanaf, na dad anuk di
bnas. Kabay landè di dale blà
kenen du nimò demen.



Taman fkudang Dwata i Amu, i to ani, na too fye kakudangan laan falus tamwan, na klon kudang nwè Dwata i satu lohokan. Na kafngen sansuléan i ungad di gumwean i lohok to ani. Na mdà di lohokan ani, nimò Dwata i Amu satu libun, na neben i libun ani di lagi.



Na ani i duen i lagi tmagak i maan na
yéan, na mbaling satu di yaanan, na i
lwe ani mgimò satu.



Du Dwata toon kanbong
nawa kdee dad to di tah tanà,
taman blén i sen Tingaan du
fye balù simto faglut di kenen
là malmo di salà, bay nun
nawan landè sen.



Roma 3:23 I dalan gufagu Dwata fye matlu i dad to di kiten, dunan i kafaglutla ku Dyisas Krayst. Landè gusahal i dad to du kdeela slame gamsalà di kenen, na gawag di kdatahan na knayean di dale.

Roma 6:23 I untung i kimò salà dunan fati landè gusenán, bay i blé Dwata landè bayad dunan nawa landè gusenán fagu di ku Krayst Dyisas Amuito.

Hibru 9:27 Na salngad én i dad to, du alò ale sulê magu di fati, na kafnge én nukum ale Dwata.

Ifisus 2:8,9 Du mdà di kablén i kafye di gamu, falwaan gamu mdà di kaflayam landè sen, fagu di kafaglutyu di ku Dyisas Krayst. Ise mdà di gamu gnagan, demen mdà di fye nimòyu, bay alò mdà di blé Dwata landè bayad, du fye landè fakay mdag i kton,



Roma 10:9,10 Na ku tmulen gamu i dad demeyu to,
Dyisas i too glut Amu, na ku too gamu faglut nték
kenen Dwata mdà di fati, galwà gamu di kaflayam landè
gusenán. Du ku mdà di nawayu too faglut, na ku tmulen
gamu i dad demeyu to gablà di kafaglutyu, matlu
gamu di kite Dwata, na galwà gamu di
kaflayam landè gusenán.

Dyan 3:16,17 Du Dwata toon kanbong nawa kdee dad to
di tah tanà, taman blén i sen Tingaan du fye balù simto
faglut di kenen là malmo di salà, bay nun nawan landè
sen. Du ise én duen Dwata mdek i Tingaan dini di tah
tanà du mlayam i dad to, bay dekan dini du
fye falwaan dad to di dad salàla.



1 Dyan 5:11-13 Ani sa i fgadè Dwata di gito, dunan
tabanlén ito nawa landè sen fagu sa di Tingaan
Dyisas Krayst.

Taman ku simto masasatu di Tingà Dwata nun nawan
landè sen. Kabay ku simto là masasatu di kenen
landè nawan landè sen.

Na smulat agu di gamu dad faglut di Tingà Dwata,
du fye tooyu gadè tanun nawayu landè sen.



Dyénésis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Blaan, Sarangani Bible (bps) © 2014, Wycliffe Bible
Translators, Inc. All rights reserved.

<https://www.bible.com/bible/1245/MAT.1.ITD>

©2024 Bible for Children, Inc.

www.M1914.org

www.bibleforchildren.org

